



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

## ՀՐԱՄԱՆ

№ 33-ձ

«11» Խաչ/սե 2020

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ԵՐԻՏԱՍԱՐԴԱԿԱՆ ՔԱՂԱՔԱԿԱՆՈՒԹՅԱՆ, ԼՐԱՑՈՒՑԻՉ  
ԵՎ ՇԱՐՈՒՆԱԿԱԿԱՆ ԿՐԹՈՒԹՅԱՆ ՎԱՐՉՈՒԹՅԱՆ ԿԱՆՈՆԱԴՐՈՒԹՅՈՒՆԸ  
ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության վարչապետի 2019 թվականի հունիսի  
1-ի N 661-Լ որոշմամբ հաստատված հավելվածի 19-րդ կետի 7-րդ ենթակետը՝

## ՀՐԱՄԱՅՈՒՄ ԵՄ

Հաստատել Հայաստանի Հանրապետության կրթության, գիտության, մշակույթի և  
սպորտի նախարարության երիտասարդական քաղաքականության, լրացուցիչ և  
շարունակական կրթության վարչության կանոնադրությունը՝ համաձայն հավելվածի:

Նախարար

Ա. Հարությունյան

6/11/2020

X 

ԱՐԱՅԻԿ ՀԱՐՈՒԹՅՈՒՆՅԱՆ

Signed by: HARUTYUNYAN ARAYIK 1209790378

Հավելված  
ՀՀ կրթության, գիտության, մշակույթի և սպորտի նախարարի  
2020 թվականի մայիսի \_\_\_-ի N \_\_\_-Լ հրամանի

## ԿԱՆՈՆԱԴՐՈՒԹՅՈՒՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ԵՐԻՏԱՍԱՐԴԱԿԱՆ ՔԱՂԱՔԱԿԱՆՈՒԹՅԱՆ, ԼՐԱՑՈՒՑԻՉ ԵՎ  
ՇԱՐՈՒՆԱԿԱԿԱՆ ԿՐԹՈՒԹՅԱՆ ՎԱՐՉՈՒԹՅԱՆ**

### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությամբ սահմանվում են Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) երիտասարդական քաղաքականության, լրացուցիչ և շարունակական կրթության վարչության (այսուհետ՝ Վարչություն) գործունեության նպատակները, խնդիրները, գործառույթները, կառուցվածքը, գործունեության կազմակերպումը, ղեկավարումը և համակարգումը:
2. Վարչությունը Նախարարության հիմնական մասնագիտական կառուցվածքային ստորաբաժանում է: Վարչությունն անմիջականորեն հաշվետու է Նախարարին: Վարչության աշխատանքները համակարգում է Նախարարի համապատասխան տեղակալը:
3. Վարչությունն իր գործունեությունը իրականացնում է ՀՀ Սահմանադրությանը, օրենքներին, նախարարության կանոնադրությանը և սույն կանոնադրությանը համապատասխան:
4. Վարչությունը կազմավորվում, վերակազմակերպվում և նրա գործունեությունը դադարեցվում է Հայաստանի Հանրապետության վարչապետի որոշմամբ՝ Հայաստանի Հանրապետության օրենսդրությամբ սահմանված կարգով:
5. Վարչության կանոնադրությունը հաստատում է Նախարարը:
6. Վարչության անվանումն է՝ Երիտասարդական քաղաքականության, լրացուցիչ և շարունակական կրթության վարչություն:

## II. ՎԱՐՉՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

### 7. Վարչության նպատակներն են՝

- 1) երիտասարդական պետական քաղաքականության մշակումը և իրականացումը.
- 2) երիտասարդության ներուժի իրացման և զարգացման, երիտասարդների լիարժեք ինքնադրսևորման, կայացման, երիտասարդական մասնակցության խթանման համար պայմանների ստեղծումը.
- 3) լրացուցիչ և շարունակական կրթության, այդ թվում՝ մասնագիտական կրթության բնագավառում պետական քաղաքականության մշակման աշխատանքների ապահովումը:

### 8. Վարչության խնդիրներն են՝

- 1) երկրի հանրային կյանքին, այդ թվում՝ հասարակական, քաղաքական, քաղաքացիական, տնտեսական, մշակութային կյանքին երիտասարդների մասնակցության աստիճանի բարձրացումը,
- 2) երիտասարդական նախաձեռնություններին պետական աջակցության տրամադրման աշխատանքների կազմակերպումն ու համակարգումը,
- 3) երիտասարդության ոլորտում միջազգային երկկողմ և բազմակողմ ձևաչափերով, ինչպես նաև համահայկական մակարդակով համագործակցության ապահովումը,
- 4) երիտասարդների և երիտասարդական կազմակերպությունների միջմարզային և միջհամայնքային հորիզոնական համագործակցության զարգացման խթանումը,
- 5) երիտասարդների զբաղվածության, սոցիալ-տնտեսական խնդիրների լուծմանը, աշխատաշուկայում երիտասարդների ներուժի ներգրավմանն ուղղված աշխատանքների (այդ թվում՝ սոցիալական ձեռներեցության խրախուսման) համակարգումը,
- 6) երիտասարդական քաղաքականության բնագավառը կարգավորող և սահմանող պետական կարճաժամկետ և երկարաժամկետ ռազմավարական փաստաթղթերի և իրավակարգավորումների նախաձեռնումն ու ապահովումը,
- 7) երիտասարդական քաղաքականության, ինչպես նաև լրացուցիչ և շարունակական կրթության ջատագովության ապահովումը.
- 8) Լրացուցիչ և շարունակական կրթության զարգացման, պետական ծրագրերի մշակման, միջազգային փորձի մոտարկման և տեղայնացման, մոնիթորինգի և գնահատման աշխատանքների իրականացման ապահովում.
- 9) Հայաստանի Հանրապետության օրենքներով և Հայաստանի Հանրապետության կառավարության որոշումներով սահմանված այլ լիազորությունների իրականացման ապահովում:

## III. ՎԱՐՉՈՒԹՅԱՆ ԿԱՌՈՒՑՎԱԾՔԸ

9. Վարչությունը չունի կառուցվածքային ստորաբաժանումներ և բաղկացած է վարչության պետից և մասնագետներից:

#### IV. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

10. Վարչությունն իր լիազորությունների շրջանակներում իրականացնում է հետևյալ գործառույթները՝
- 1) մշակում է օրենսդրական և այլ իրավական ակտերի նախագծեր, ընդհանրացնում իրավական ակտերի գործնական կիրառումն ու ներկայացնում առաջարկություններ երիտասարդության, լրացուցիչ և շարունակական կրթության բնագավառներում Հայաստանի Հանրապետության օրենսդրության կատարելագործման վերաբերյալ.
  - 2) իր իրավասության սահմաններում մասնակցում է Հայաստանի Հանրապետության պետական բյուջեի նախագծի մշակմանը.
  - 3) մշակում և կիրառում է արդյունավետ մեխանիզմներ՝ երիտասարդների ներուժի իրացման և զարգացման համար.
  - 4) իրականացնում է երիտասարդների մասնակցային գործընթացների խթանմանը, հոգևոր-մշակութային, ազգային ինքնության զարգացման, իրավագիտակցության մակարդակի բարձրացմանն ուղղված աշխատանքներ.
  - 5) իրականացնում է երիտասարդության, լրացուցիչ և շարունակական կրթության ոլորտների ջատագովություն.
  - 6) օրենքով սահմանված կարգով մասնակցում է Հայաստանի Հանրապետության միջազգային պայմանագրերի, ինչպես նաև միջազգային միջգերատեսչական պայմանագրերի մշակմանը, ապահովում է Հայաստանի Հանրապետության միջազգային պարտավորությունների կատարումը երիտասարդության, լրացուցիչ և շարունակական կրթության բնագավառներում.
  - 7) միջազգային երիտասարդական համագործակցության զարգացման նպատակով աջակցում է երիտասարդական խմբերի և անհատ երիտասարդների մասնակցությանը օտարերկրյա պետություններում տեղի ունեցող միջազգային միջոցառումներին.
  - 8) համագործակցում և մասնակցում է միջազգային կազմակերպությունների աշխատանքներին.
  - 9) մշակում է համահայկական երիտասարդական բնույթի ծրագրեր.
  - 10) աջակցում է երիտասարդական կազմակերպությունների կարողությունների զարգացմանը.
  - 11) վերլուծում է իր իրավասության ոլորտներին առնչվող ծառայությունների շուկաները, կազմակերպում իրավիճակային տվյալների ամփոփումը.
  - 12) մշակում է գիտաժողովների, համաժողովների, սեմինարների (այդ թվում՝ միջազգային) և այլ միջոցառումների կազմակերպման ծրագրեր.

- 13) քննարկում է քաղաքացիների նամակները (դիմումներն ու բողոքները), նպաստում դրանցում արծարծված հարցերի լուծմանը.
- 14) մասնակցում է լրացուցիչ և շարունակական կրթության պետական քաղաքականության մշակման և դրա իրականացման աշխատանքներին, ինչպես նաև մշակում է քաղաքականության ռազմավարությունը, հայեցակարգերն ու նպատակային ծրագրերը և իրականացնում դրանց մոնիթորինգ.
- 15) իրականացում է մոնիթորինգ երիտասարդական, լրացուցիչ և շարունակական կրթական ծրագրեր իրականացնող կազմակերպությունների նկատմամբ.
- 16) կազմակերպում և համակարգում է մասնագիտական կրթության համակարգում լրացուցիչ և շարունակական կրթության ներդրման աշխատանքները.
- 17) մասնակցում է կրթության զարգացման պետական ծրագրերի մշակման, դրանց մոնիթորինգի և գնահատման աշխատանքներին.
- 18) մասնակցում է նախարարության և նրա համակարգի բյուջետային գործընթացի ապահովման աշխատանքներին.
- 19) իրականացնում է Հայաստանի Հանրապետության օրենքներով և Հայաստանի Հանրապետության կառավարության որոշումներով սահմանված այլ լիազորություններ:

#### **V. ՎԱՐՉՈՒԹՅԱՆ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ, ՂԵԿԱՎԱՐՈՒՄԸ ԵՎ ՀԱՄԱԿԱՐԳՈՒՄԸ**

11. Վարչությունն իր գործունեությունն իրականացնում է Նախարարության հաստիքացուցակով նախատեսված կազմով:
12. Վարչության ընթացիկ գործունեությունը կազմակերպում, ղեկավարում և համակարգում է Վարչության՝ պետը, որն անմիջական հաշվետու է նախարարին, համակարգող նախարարի տեղակալին:
13. Վարչության պետի և Վարչության աշխատողների աշխատանքի կազմակերպման և ղեկավարման պատասխանատվության, որոշումներ կայացնելու լիազորությունների, շփումների և ներկայացուցչության, խնդիրների բարդության և դրանց ստեղծագործական լուծման, գիտելիքների և հմտությունների, իրավունքների և պարտականությունների, քաղաքացիական ծառայության դասային աստիճանի հետ կապված դրույթները սահմանվում են քաղաքացիական ծառայության պաշտոնների անձնագրերով: